

簽訂辛丑條約二十七週年紀念

奇恥大辱的辛丑條約

中國國民黨浙江省黨務指導委員會宣傳部印

中華民國十七年九月七日

奇恥大辱的辛丑條約

內容：

辛丑條約十二款

附件十九件

一切不平等條約，如外人租借地・領事裁判權・外人管理關稅權・以及外人在中國內境行使一切政治的權力侵害中國者，皆當取消，重訂雙方平等互尊主權之條約。

——中國國民黨對外政策第一條——

凡是和中國有條約的國家，都是中國的主人，所以中國不祇做一國的殖民地，是做各國的殖民地，不祇做一國的奴隸，是做各國的奴隸！

——總理民族主義第二講——

奇恥大辱的辛丑條約

辛丑條約十二款（光緒二十七年七月二十五日在北京定立）

訂約

大清欽命全權大臣便宜行事總理外務部事務和碩

大清欽差

全權大臣便宜行事太子太傅文華殿大學士北洋大臣直隸總督卞堂一等肅毅伯

大德欽差駐中華便宜行事大臣

大奧欽差駐中華便宜行事全權大臣

大比欽差駐中華便宜行事全權大臣

大日欽差駐中華全權大臣

大美欽差特辦議和事宜全權大臣

大法欽差全權大臣駐紮中國原都總理本國事務便宜行事

大英欽差便宜行事全權大臣

大義欽差駐紮中華大臣世襲侯爵

大日本國欽差全權大臣

慶親王

李鴻章

穆默

齊幹

姚士登

葛絡幹

柔克義

鮑渥

薩道義

薩爾瓦葛

小村壽太郎

大和欽差駐紮中華便宜行事全權大臣

克羅伯

大俄欽差全權大臣內廷大夫

格爾思

今日會同聲明核定大清國按西歷一千九百年十二月二十二日即中歷光緒二十六年十一月初一日文內各款當經大清國大皇帝於西歷一千九百年十二月二十七日即中歷光緒二十六年十一月初六日降旨全行照允足適諸國之意妥辦(附件二)

第一款(一) 大德國欽差男爵克大臣被戕害一事前於西歷本年六月初九日即中歷四月二十三日奉諭旨(附件二)欽差醇親王載灃爲頭等專使大臣赴大德國大皇帝前代表大清國大皇帝暨國家惋惜之意醇親王已遵旨於西歷本年七月十二日即中歷五月二十七日自北京起程

第一款(二) 大清國國家業已聲明在遇害處所豎立銘誌之碑與克大臣品位相配列叙大清國大皇帝惋惜兇事之旨書以辣丁德漢各文前於西歷本年七月二十二日即中歷六月初七日經大清國欽差全權大臣文致大德國欽差全權大臣(附件三)現於遇害處所建

奇耻大辱的辛丑條約

四

立牌坊一座足滿街衢已於西歷本月二十五日即中歷五月初十日興工

第二款(一) 一懲辦傷害諸國國家及人民之禍首諸臣將西歷本年二月十三三十一等日即中歷上年十二月二十五本年正月初三等日先後降旨所定罪名開列於後(附件四五六)端羣王載漪輔國公載瀾均定斬監罪候罪名又約定如皇上以爲應加恩貸其一死即發往新疆永遠監禁永不減免莊親王載勛都察院左都御史英年刑部尙書趙舒翹均定爲賜名自盡山西巡撫毓賢禮部尙書啟秀刑部左侍郎徐承煜均定爲立行正法協辦大學士吏部尙書剛毅大學士徐桐前四川總督李秉衡均已身故追奪原官即行革職又兵部尙書徐用儀戶部尙書立山吏部左侍郎許景澄內閣學士兼禮部侍郎銜聯元太常寺卿袁昶因上年力駁殊悖諸國義法極惡之罪被害於西歷本年二月十三日即中歷上年十二月二十五奉上諭開復原官以示昭雪(附件七)莊親王載勛已於西歷本年二月二十一日即中歷正月初三日英年趙舒翹已於二十四日即初六日均自盡毓賢已於二十二日即初四日啟秀徐承煜已於二十六日即初八日均正法又西歷本年二月十三日即中歷上年十二月二

十五日上諭將甘肅提督董福祥革職俟應得罪名定讞懲辦西歷本年四月二十九六月初三八月十九等日即中歷三月十一四月十七七月初六等日先後降旨將上年夏間兇慘案內所有承認獲咎之各省官員分別懲辦

第二款(二) 西歷本年八月十九日即中歷二十七年七月初六日上諭將諸國人民遇害被虐之城鎮停止文武各等考試五年(附件八)

第三款 因大日本國使館書記生杉山彬被害大清國大皇帝從優榮之典已於西歷本年六月十八日即中歷五月初三日降旨簡派戶部侍郎那桐爲專使大臣赴大日本國大皇帝前代表大清國大皇帝及國家惋惜之意(附件九)

債印
第四款 大清國國家允定在於諸國被污瀆及挖掘各墳塋建立滌垢雪侮之碑已與諸國全權大臣會同商定其碑由各該國使館督建並由中國國家付給估算各費銀兩京師一帶每處一萬兩外省每處五千兩此項銀兩業已付清茲將建碑之墳塋開列清單附後(附件十)

禁令 第五款 大清國國家允定不准將軍火暨專爲製軍火各種器料運入中國境內已於西歷本

年八月二十五日即中歷二十七年七月十二日降旨禁止進口二年嗣後如諸國以爲有仍應續禁之處亦可降旨將二年之限續展(附件十二)

償恤 第六款 按照西歷本年五月二十九日即中歷四月十二日上諭大清國大皇帝允定付諸國

償款海關銀四百五十兆兩此款係西歷一千九百年十二月二十二日即中歷光緒二十六年十一月初一日條款內第二款所載之各國各會各人及中國人民之賠償總數(附件十

二)(甲)此四百五十兆係照海關銀兩市價易爲金款此市價按諸各國金錢之價易金如

左 海關銀一兩 即德國三馬克零五五 即奧國三克勒尼五九五 即美國圓零七四

二 即法國三佛郎克七五 即英國三先令 即日本一圓四零七 即荷蘭國一佛樂林

七九六 即俄國一魯布四一二俄國魯布按金平算即十七多理亞四二四此四百五十兆

按年息四厘正本由中國分三十九年按後附之表各章清還(附件十三)本息用金付給或按應還日期之市價易金付給還本於一千九百零二年正月初一日起一千九百四十年

停止還本各款應按每屆一年付還初次定於一千九百零三年正月初一日付還利息由一千九百零一年七月初一日起算惟中國國家亦可將所欠首六個月至一千九百零一年十二月三十一日之息展在自一千九百零二年正月初一日起於三年內付還但所展息款之利亦應按年四釐付清又利息每屆六個月付給初次定於一千九百零二年七月初一日付給(乙)此欠款一切事宜均在上海辦理如後諸國派銀行董事一名會同將所有由該管之中國官員付給之本利總數收存分給有干涉者該銀行出付回執(丙)由中國國家將全數保票一紙交付駐京諸國欽差領銜大臣手內此保票以後分作零票每票上各由中國特派之官員畫押此節以及發票一切事宜應由以上所述之銀行董事各遵本國飭令而行(丁)付還保票財源各進款應每月給銀行董事收存(戊)所定承擔保票之財源開列於後一新關各進款俟前已作為擔保之借款各本利付給之後餘剩者又進口貨稅增至切實值百抽五將所增之數加之所有向例進口免稅各貨除外國運來之米及各色雜糧麵並金銀以及金銀各錢外均應列入切實值百抽五貨內二所有常關各進款在各通商口岸之常關均歸

新關管理三所有鹽政各進項除歸還前泰西借款一宗外餘剩一併歸入至進口貨稅增至切實值百抽五諸國現允可行惟須二端（一）將現在照估價抽收進口各稅凡能改者皆當急速改爲按件抽稅幾何定辦改稅一層如後爲估算貨價之基應以一千八百九十七八九三年卸貨時各貨牽算價值乃開除進口稅及雜費總數之市價其未改以前各該稅仍照估價徵收（二）北河黃浦兩水路均應改善中國國家即應撥款相助增稅一層俟此條款畫押日兩個月後即行開辦除在此畫押日期後至遲十日已在途間之貨外概不得免抽

租建

第七款 大清國國家允定各使館境界以爲專與住用之處並獨由使館管理中國人概不准在界內居住亦可自行防守使館界線於附件之圖上標明如後（附件十四）東面之線係崇文門大街圖上十一十二等字北面圖上係五六七八九十等字之線西面圖上係一二三四五等字之線南面圖上係十二一等之線此線循城牆南址隨城壕而畫按照西歷一千九百零一年正月十六日即中歷上年十一月二十六日文內後附之條款中國國家應允諸國分應自主常留兵隊分保使館

駐兵

第八款 大清國國家應允將大沽礮台及有碍京師至海道之各礮臺一律削平現已設法照辦

第九款 按照西歷一千九百零一年正月十六日即中歷上年十一月二十六日文內後附之條款中國國家應允由諸國分應主辦會同酌定數處留兵駐守以保京師至海通道無斷絕

之虞諸國駐守之處係黃村郎坊楊村天津軍糧城塘沽蘆台唐山灤州昌黎秦王島山海關
禁令 第十款 大清國國家允定兩年之久在各府廳州縣將以後所述之上諭頒行布告(一)西歷

本年二月初一日即中歷上年十二月十三日上諭以永禁或毀或入與諸國仇敵之會違者皆斬(附件十五)(二)西歷本年二月十三二十一四月二十九八月十九等日即中歷上年十二月二十五本年正月初三三月十一七月初六等日上諭一道犯罪之人如何懲辦之處均一一載明(三)西歷本年八月十九日即中歷七月初六日上諭以諸國人民遇害被虐各城鎮停止文武各等考試(四)西歷本年二月初一日即中歷上年十二月十三日上諭以各省督撫文武大吏既有司各官於所屬境內均有保平安之責如復滋傷害諸國人民之事或

再有違約之行必須立時彈壓懲辦否則該管之員即行革職永不叙用亦不得開脫別給獎敘(附件十六)以上諭旨現於中國全境漸次張貼

訂約

第十一欸 大清國家允定將通商行船各條約內諸國視為應行商改之處及有關通商各他事宜均行議商以期妥善簡易現按照第六欸賠償事宜約定中國國家應允襄辦改善北河黃浦兩水路其襄辦各節如左(一)北河改善河道在一千八百九十八年會同中國國家所興各工近由諸國派員重修一俟治理天津事務交還之後即可由中國國家派員與諸國所派之員會辦中國國家應付海關銀每年六萬兩以養其工(二)現設立黃浦河道局經營整頓改善水道各工所派該局各員均代中國暨諸國保守在滬所有通商之利益預估後二十年該局各工及經營各費應每年支用海關銀四十八萬兩此數平均半由中國國家付給半由外國各干涉者出資該局員差並權責及進欸之詳細各節皆於後附文件內列明(附件十七)

設官

第十二欸 西歷本年七月二十四日即中歷六月初九日降旨將總理各國事務衙門按照諸

儀文

國酌定改爲外務部班列六部之前此上諭內已簡派外務部各王大臣矣（附件十八）且變通諸國欽差大臣覲見禮節均已商定由中國全權大臣屢次照會在案此照會在後附之節略內述明（附件十九）茲特爲議明以上所述各語及後附諸國全權大臣所發之文牘均係以法文爲憑大清國家既如此按以上所述西歷一千九百年十二月二十二日即中歷光緒二十六年十一月初一日文內各款足適諸國之意妥辦則中國將一千九百年夏間變亂所生之局勢完結諸國亦照允隨行是以諸國全權大臣現奉各本國之命代爲聲明除第七款所述之防守使館兵隊外諸國兵隊即於西歷一千九百零一年九月十七日即中歷光緒二十七年八月初五日全由京城撤退並除第九款所述各處外亦於西歷一千九百零一年九月二十二日即中歷光緒二十七年八月初十日由直隸省撤退今將以上條款繕定同文十二分均由諸中國全權大臣畫押諸國全權大臣各存一分中國全權大臣收存一分

光緒二十七年七月二十五日

西歷一千九百零一年九月初七日

奇耻大辱的事丑條約

一二

附件一

光緒二十六年十一月初六日奉旨奕劻李鴻章電悉覽所奏十二條大綱應即照允欽此

附件二

光緒二十六年十一月二十四日奉諭旨醇親王載灃著授爲頭等專使大臣前赴大德國敬謹將命前由閣侍讀學士張翼副都統蔭昌均著隨同前往參贊一切欽此

附件三

爲照覆事本年五月初三日接准貴大臣照稱和議總綱第一款載明原任德國克大臣被害處所樹立銘誌之碑一節章京瑞良候選道聯芳奉派辦理該章京等早經向本署開商議及此碑應如何做法屢商議間又稱原在被害處所用大理石樹立牌坊一座東西寬滿崇文門大街因材料難於轉運做工多需時日又設別法將他處現有之牌樓移至被害處所樹立或立一新牌樓或挪用舊有者均因聽候本國裁奪本大臣當經電詢本國家意向茲奉回諭德國大皇帝意旨親裁仍應新設牌坊一座足滿街衢等因自應剴切請迅速

妥辦以便立刻興工等因前來本王大臣當即札飭該章京等准照辦理據報已於五月初十日開工先築地基其開山鑿石轉運料件在在均需時日惟有督飭工人儘力妥速辦理等語除飭將全工隨時稟商外相應照覆貴大臣查照可也須至照會者

光緒二十七年六月初七日

附件四

十二月二十五日奉上諭北京自五月以來拳匪倡亂開鐔友邦現今奕劻李鴻章與各國使臣在京議和大綱草約業已畫押追思肇禍之始實由諸王大臣昏謬無知囂張跋扈深信邪術挾制朝廷於剿辦拳匪之諭抗不遵行反縱信拳匪妄行攻戰以致邪饒大張聚數萬匪徒於肘腋之下勢不可遏復主令鹵莽將卒圍攻使館竟至數月之間釀成奇禍社稷隲危陵廟震驚地方蹂躪生民塗炭朕與皇太后危險情形不堪言狀至今痛心疾首悲憤交深是諸王大臣信邪縱匪上危宗社下禍黎元自問當得何罪前經兩降諭旨尙覺法輕情重不足蔽辜應再分別等差加以懲處已革莊親王載勛縱容拳匪圍攻使館擅出違約奇耻大辱的辛丑條約

奇耻大辱的辛丑條約

一四

告示又輕信匪言枉殺多命實屬愚暴冥頑著賜令自盡派署左都御史葛寶華前往監視已革端郡王載漪倡率諸王貝勒輕信拳匪妄言主戰致肇衅端罪實難辭降調輔國公載瀾隨同載勛妄出違約告示咎亦應得著革去爵職惟念俱屬懿親特與加恩均着發往新疆永遠監禁先行派員看管已革巡撫毓賢前在山東巡撫任內妄信拳匪邪術至京爲之揄揚以至諸王大臣受其煽惑及在山西巡撫任內復戕殺教士數民多命尤屬昏謬兇殘罪戾禍首前已遣發新疆計行抵甘肅著傳旨即行正法並派按察使何福堃監視行刑前協辦大學士吏部尚書剛毅袒庇拳匪釀成巨禍並會出違約告示本應置之重典惟現已病故著追奪原官即行革職革職留任甘肅提督董福祥統兵入衛紀律不嚴又不諳交涉率意鹵莽雖圍攻使館係由該革王等指使究難辭咎本應重懲姑念在甘肅素著勞績回滇悅服格外從寬著即行革職降調都察院左都御史英年於載勛擅出違約告示曾經阻止情尚可原惟未能力爭究難辭咎著加恩革職定爲斬監候罪名革職留任刑部尚書趙舒翹平日尙無嫉視外交之意前查辦拳匪亦無庇縱之詞惟究屬草率貽誤著加恩革職

定爲斬監候罪名英年趙舒翹均著先在陝西省監監禁大學士徐桐降調前四川總督李秉衡均已殉難身故惟貽人口實均著革職並將恤典撤銷經此次降旨以後凡我友邦當共諒拳匪肇禍實由禍首激迫而成決非朝廷本意朕懲辦首禍諸人並無輕縱即天下臣民亦曉然於此案之關係重大也欽此

附件五

十二月二十五日奉上諭禮部尙書啟秀前刑部左侍郎徐承煜著先行革職著奕劻李鴻章查明所犯確據即行奏明從嚴懲辦欽此

附件六

光緒二十七年正月初三日內閣奉上諭此案禍首諸臣昨已降旨分別嚴行懲辦茲據奕劻李鴻章電奏按照各國公權大臣照會尙須加重懲請酌奪等語除載勛已賜令自盡毓賢已飭即行正法均各派員前往監視外載漪載瀾均定爲斬監候罪名惟念誼屬懿親特予加恩發往極邊新疆永遠監禁即日派員押解起程剛毅情罪較重應定爲斬立決業經

奇耻大辱的辛丑條約

病故免其置議英年趙舒翹昨已定爲斬監候著即賜令自盡派陝西巡撫岑春煊前往監視啟秀徐承煜各國指稱力庇拳匪專與洋人爲難昨已革職著奕劻李鴻章照會各國交回即行正法派刑部堂官監視徐桐輕信拳匪貽誤大局李秉衡好爲高論固執釀禍均應定爲斬監候惟念臨難自盡業經革職撤銷恤典應免再議至禍首諸人所犯罪狀已於前旨內逐一明白聲敘矣欽此

附件七

十二月二十五日奉上諭本年五月間拳匪倡亂日熾勢張朝廷以剿撫兩難疊次召見臣工以期折衷一是乃兵部尙書徐用儀戶部尙書立山吏左侍郎許景澄內閣學士聯元太常寺卿袁經朕一再垂詢詞意均涉兩可而首禍諸臣遂乘機誤陷交章參劾以致身羅重辟惟念徐用儀等宣力有年平日辦理交涉事件亦解和衷尙著勞動應即加恩徐用儀立山許景澄聯元袁昶經均著開復原官該部知道欽此

附件八